

PLAN DE ACTUACIÓN 2022

ENTIDADE: FUNDACIÓN GALICIA EUROPA

CIF: G15140023

Nº DE REXISTRO:1988/1

EXERCICIO:2022

DATOS DA ENTIDADE:

Domicilio: C/ HÓRREO 61

Localidade: SANTIAGO DE COMPOSTELA

Código postal: 15701

Provincia: A Coruña

Correo electrónico: SANTIAGO@FUNDACIONGALICIAEUROPA.EU

Teléfono:+34 981 54 10 12

1.- ACTIVIDADES.....	1
ACTIVIDADE 1 : DEFENSA DOS INTERESES DE GALICIA ANTE A UE.....	1
A) <i>Identificación.....</i>	1
B) <i>Recursos humanos empregados na actividade.....</i>	10
C) <i>Beneficiarios ou usuarios da actividade.....</i>	10
D) <i>Obxectivos e indicadores de realización da actividade.....</i>	10
ACTIVIDADE 2 : INFORMACIÓN SOBRE A UNIÓN EUROPEA EN GALICIA.....	11
A) <i>Identificación.....</i>	11
B) <i>Recursos humanos empregados na actividade.....</i>	12
C) <i>Beneficiarios ou usuarios da actividade.....</i>	12
D) <i>Obxectivos e indicadores de realización da actividade.....</i>	13
ACTIVIDADE 3 : FOMENTO DA PARTICIPACIÓN EN PROXECTOS EUROPEOS.....	14
A) <i>Identificación.....</i>	14
B) <i>Recursos humanos empregados na actividade.....</i>	16
C) <i>Beneficiarios ou usuarios da actividade.....</i>	16
D) <i>Obxectivos e indicadores de realización da actividade.....</i>	16
ACTIVIDADE 4: FORMACIÓN E SENSIBILIZACIÓN SOBRE A REALIDADE EUROPEA.....	17
A) <i>Identificación.....</i>	17
B) <i>Recursos humanos empregados na actividade.....</i>	19
C) <i>Beneficiarios ou usuarios da actividade.....</i>	19
D) <i>Obxectivos e indicadores de realización da actividade.....</i>	19
2.- PREVISIÓN DE RECURSOS ECONÓMICOS QUE EMPREGARÁ A ENTIDADE.....	17
3.-PREVISIÓN DE RECURSOS ECONÓMICOS QUE OBTERÁ A ENTIDADE	18
3.1) <i>Previsión de ingresos que obterá a entidade</i>	18
3.2) <i>Previsión doutros recursos económicos que obterá a entidade.....</i>	18

1.- ACTIVIDADES

ACTIVIDADE 1: Defensa dos intereses de Galicia ante a UE

A)Identificación

Denominación da actividade	Defensa dos intereses de Galicia ante a UE
Tipo de actividade*	Accións para garantir a representación de Galicia ante a UE Actividade propia
Identificación da actividade por sectores **	Z01
Lugar de desenvolvemento da actividade	Bruxelas/Santiago

Descrición detallada da actividade prevista

A defensa dos intereses galegos ante as institucións europeas necesita dunha sólida representación na capital comunitaria a través da cal se traballe para que a toma de decisións a nivel comunitario se leve a cabo cun maior coñecemento da nosa realidade e dos nosos intereses.

A LEI 10/2021, do 9 de marzo, reguladora da acción exterior e da cooperación para o desenvolvemento de Galicia reconece que a FGE ten o mandato da Administración autonómica para exercer a representación autonómica galega ante as institucións e os órganos da Unión Europea, seguindo as directrices do Goberno autonómico e respectando os principios de unidade de acción exterior do Estado. Para cumprir con esta misión, a FGE desenvolve diversas actividades:

- Seguimento e análise das políticas europeas
- Apoio á participación da C.A. galega nas institucións e órganos comunitarios
- Organización de visitas de responsables políticos e técnicos á capital comunitaria
- Organización de seminarios
- Participación en redes de cooperación interrexional
- Ocasionalmente, accións de promoción de Galicia en Bruxelas desde un punto de vista cultural, turístico ou comercial

2022 será o segundo ano do novo período financeiro 21-27 da UE (aínda que, na práctica, comezou a executarse no segundo semestre de 2021 debido ao retraso na súa aprobación), e o terceiro ano da Comisión Europea baixo o liderado de Ursula Von der Leyen e as súas seis prioridades políticas:

1. Un Pacto Verde Europeo
2. Unha economía que funcione en prol das persoas
3. Unha Europa adaptada á era dixital
4. Protección do noso estilo de vida europeo
5. Unha Europa máis forte no mundo
6. Un novo impulso á democracia europea

Neste contexto, a Fundación Galicia Europa centrará o seu labor de defensa dos intereses galegos nas seguintes áreas:

1. **Pacto Verde**

Galicia foi unha das primeiras rexións europeas en comprometerse coa neutralidade climática en 2019 coa aprobación da súa Estratexia de Cambio Climático e Enerxía 2050, complementada pola posterior Estratexia de Economía Circular 2019-2030 e a lei de residuos e solos contaminados. Logrou, ademais, que un 85% dos concellos se sumen ao Pacto das Alcaldías polo Clima e a Enerxía e conseguiu reducir as emisións contaminantes en máis dun 23% respecto os valores de 1990, superando así o obxectivo europeo fixado para 2020.

Galicia ten capacidade e potencial para posicionarse como rexión referente en xeración e almacenamento de enerxías renovables e atópase nunha boa posición para afrontar os cambios derivados do paquete legislativo Obxectivo 55. Dada o seu forte compromiso, pois, está en posición de participar activamente no debate europeo alertando sobre os riscos e oportunidades que, sobre o terreo, ten o Pacto Verde Europeo.

2. **Transición xusta**

O aumento da ambición climática europea implica importantes cambios normativos e políticos que poden afectar negativamente a determinados sectores económicos en Galicia, como, por exemplo, as industrias electrointensivas ou o sector primario.

Galicia deberá traballar por sacar o máximo proveito do Mecanismo de Transición Xusta, do que recibirá 111M€ para transformar as comarcas afectadas polo peche das centrais térmicas na provincia da Coruña, e do futuro Fondo Social para o Clima que está aínda a debate entre Parlamento e Consello.

Galicia é crítica coa proposta de eliminación das subvencións do combustible no transporte marítimo recollida na proposta de modificación da Directiva sobre a Fiscalidade da Enerxía, dentro do paquete Obxectivo 55. Unha supresión das exencións tributarias ao combustible dos barcos pesqueiros a partir de 2023 poría en risco a rendibilidade e o futuro do sector pesqueiro galego. Galicia está comprometida coa descarbonización da economía pero demanda que sexa equilibrada, asumible e xusta (que non deixe a ninguén atrás). A UE debe traballar por asegurar un marco de condicións equitativas para o sector pesqueiro europeo a nivel internacional.

3. **Integración da economía marítima no Pacto Verde Europeo**

Galicia contribúe activamente a este debate para defender a integración dos aspectos sociais e económicos na revisión da Política Pesqueira Común que se prevé para 2023. Reclama un comercio pesqueiro xusto e en igualdade de condicións con terceiros países, unha pesca sostible e compatible coa conservación da biodiversidade e coa seguridade alimentaria e un maior papel do sector pesqueiro na gobernanza da PPC.

Así pois, demanda un maior recoñecemento da cadea mar-industria como fonte sostible e estratéxica de alimento no marco da estratexia "Da Granxa a Mesa" e como provedora de alimentos saudables no marco do Plan Europeo de Loita contra o Cancro.

Entre outras actividades, Galicia participa nas accións de lobby realizadas pola CRPM para que estas mensaxes teñan máis peso na esfera comunitaria.

4. **Posta en marcha da nova Política Agrícola Común (PAC)**

As novas estratexias de Biodiversidade e "Da Granxa á Mesa" pretenden establecer un novo equilibrio entre a natureza e a actividade humana, e terán un impacto directo na arquitectura verde da nova PAC que entrará en vigor en 2023. Por outro lado, o novo Plan Europeo de Loita contra o Cancro incentiva o consumo de produtos saudables e con baixo impacto medioambiental, que levará a unha redución da demanda de certos produtos agrícolas como o viño e a carne. Galicia debe garantir que o seu sector agrario consiga adaptarse ao

novo paradigma, sempre desde o respecto ao modelo agrícola familiar da nosa Comunidade. Levar a cabo con éxito esta transformación é unha condición necesaria para que Galicia sexa líder na transición verde que está na base da nova Política Agrícola Común.

5. Programación e execución dos fondos europeos

No ano 22 coincidirán a execución dos fondos estruturais e de investimento (FEDER, FSE, FEADER e FEMP) 14-20, a inxección extra que supuxo a iniciativa REACT-EU para facer fronte a curto prazo ás consecuencias da pandemia e o Mecanismo Europeo de Recuperación e Resiliencia (MRR), ademais da programación do 21-27. Asegurar as sinerxías e complementariedade entre todos estes fondos é un reto para as administracións autonómicas, aínda que Galicia ten xa unha boa base de traballo coa súa estratexia Next Generation Galicia, baseada nos Obxectivos de Desenvolvemento Sostible, a revisión do Plan Estratégico de Galicia 2020 de cara a 2030 e as prioridades europeas para a execución do MRR.

Para o **desenvolvemento do Plan de Recuperación, Transformación e Resiliencia (PRTR) de España**, Galicia defende a necesidade de:

- Asegurar a cogobernanza entre os diferentes niveis de goberno,
- Contar cuns criterios claros e obxectivos para o reparto dos recursos
- Contribuír á transformación do modelo de crecemento de Galicia facendo fincapé en sectores como o forestal, a automoción, o agroalimentario ou a saúde de vangarda.

6. Execución da Rede Transeuropea de Transporte (RTE-T) en Galicia

Unha vez estendido o Corredor Atlántico ata o Noroeste peninsular, Galicia aspira agora a que o tramo portugués da conexión ferroviaria Vigo-Oporto se inclúa tamén na rede principal con motivo da revisión da RTE-T que vai debaterse en 2022 e 2023. Os Estados membros teñen o compromiso de concluír as infraestruturas da rede principal, entre elas o Corredor Atlántico, en 2030.

Galicia aspira a incorporar á rede principal (a executar en 2030) ou a unha nova rede intermedia prevista para 2040 infraestruturas como o acceso ao Porto de Vigo, a conexión ferroviaria entre A Coruña e Monforte de Lemos a través de Lugo e a conexión ferroviaria Coruña-Ferrol.

7. **Posible establecemento dunha Macrorrexión Atlántica**

Tras moitos anos de debate, España e Portugal apoian a creación dunha macrorexión atlántica, que permita reforzar a cooperación política e económica das rexións atlánticas, máis aló da actual estratexia marítima. Galicia apoia a creación desta macrorrexión a nivel europeo, baseándose na experiencia acumulada desde 2010 da macrorrexión informal RESOE, que agrupa a seis rexións españolas e portuguesas do Noroeste peninsular.

8. **Retos demográficos**

Galicia leva moitos anos chamando a atención a nivel europeo sobre as dificultades que supón o declive demográfico da comunidade. Agora que este debate está dentro da axenda europea, cunha vicepresidencia da Comisión Europea dedicada a este tema e cun programa de traballo concreto no eido do envellecemento, a revitalización das zonas rurais e a loita contra a pobreza infantil, Galicia quere seguir contribuíndo coa súa experiencia.

9. **Inicio do debate do Marco Financeiro Plurianual posterior a 2027**

O debate sobre o próximo orzamento comunitario vai intimamente ligado ao desenvolvemento das políticas comunitarias. A proposta por parte da Comisión Europea pode preverse para 2024, polo que xa un ano antes comezan as conversas en Bruxelas. A Conferencia de Rexións Periféricas e Marítimas (CRPM), á que pertence Galicia, prevé recoller as achegas das rexións en 2022 para elaborar un posicionamento en 2023 que se anticipe á proposta da Comisión Europea. Galicia debe contribuír activamente a este debate definindo previamente os seus intereses específicos.

10. **I+D+i**

A Fundación Galicia Europa seguirá colaborando coa Axencia Galega de Innovación co obxectivo de facer un maior **seguimento con respecto ás prioridades e ós programas europeos relacionados coa innovación**. A aposta decidida pola innovación no período 2021-2027, con **enfoque especial nas tecnoloxías verdes e a dixitalización** como parte dunha ampla estratexia de reindustrialización, confírmase coa creación do Consello Europeo de Innovación ou a posta en marcha das chamadas "misións" de I+D+i (desafíos concretos e ambiciosos como a restauración dos océanos e as augas ou a adaptación ao cambio climático).

O equipo de GAIN amplía de forma constante o número de axentes europeos cos que interactúa, buscando un mellor coñecemento e recoñecemento recíproco, así como información útil de cara a **identificar alianzas e redes relevantes, programas de financiación** adecuados ás capacidades do tecido industrial e de investigación galego, e ao **deseño de estratexias de competitividade territorial** en Galicia compatibles coas prioridades da Unión Europea.

11. Outras prioridades políticas da Comisión Europea 2019-2024

A FGE dará seguimento ao programa de traballo da Comisión para 2022, consistente en 42 novas iniciativas legislativas repartidas entre as seis prioridades políticas do seu mandato 19-24:

- I. **Un Pacto Verde Europeo:** a Comisión propoñerá normativa en materia de certificación da eliminación de CO₂. Tamén adoptará novas medidas para conseguir unha mobilidade sen emisións, proseguirá o plan de acción de contaminación cero para mellorar a calidade da auga e do aire, establecerá novas normas sobre o uso sostible dos praguicidas e fomentará a economía circular. Os bonos verdes tamén desempeñarán un papel importante para situar as finanzas sostibles na vangarda da recuperación da UE.
- II. **Unha Europa adaptada á era dixital:** para dar resposta á escaseza de semicondutores, presentará unha lei europea de microprocesadores que fomente a produción europea. Igualmente, propoñerá unha lei europea de ciberresiliencia para establecer normas comúns en materia de ciberseguridade e crear un sistema global de comunicacións seguras a nivel europeo. As medidas para facilitar a adquisición das competencias dixitais nos centros educativos e universidades tamén ocuparán un lugar destacado na axenda.
- III. **Unha economía ao servizo das persoas:** a Comisión proseguirá co seu Plan de Acción do Pilar Europeo de Dereitos Sociais como guía para o emprego de calidade, unhas condicións de traballo xustas e un mellor equilibrio entre a vida profesional e privada, e propoñerá unha iniciativa sobre unha renda mínima adecuada como complemento ás políticas nacionais en materia de protección social. Unha vez que se ultime unha solución sobre a reforma do marco internacional do imposto sobre

sociedades, a Comisión velará pola súa aplicación rápida e coherente na UE.

- IV. **Unha Europa máis forte no mundo:** a Comisión establecerá unha nova estratexia mundial de “pasarelas” para crear asociacións de conectividade en todo o mundo a fin de impulsar o comercio e o investimento. A finais deste ano, presentarase unha nova declaración conxunta UE-OTAN, conectada á vontade da UE de acelerar os traballos para acadar unha auténtica Unión Europea de Defensa. Así mesmo, presentarase unha nova estratexia sobre o diálogo internacional en materia de enerxía e un plan de acción sobre a gobernanza internacional dos océanos. Ambos os dous documentos son importantes para os intereses galegos en defensa da cadea mar-industria.
- V. **Promoción do noso modo de vida europeo:** 2022 será o Ano Europeo da Mocidade e lanzarase unha nova iniciativa, ALMA, para axudar aos mozos europeos que non estean empregados nin sigan unha formación a adquirir experiencia profesional no estranxeiro. A Comisión tamén presentará unha nova estratexia da UE sobre as universidades e para reforzar a cooperación transnacional entre elas. Presentará tamén unha “estratexia asistencial europea” para mellorar de forma global a “economía dos coidados” na UE desde a atención á infancia ata os relacionados coa dependencia. No eido da “Unión Europea da Saúde”, a Comisión velará por uns medicamentos accesibles e de alta calidade mediante un novo marco para o sector farmacéutico, presentará unha revisión da lexislación sobre medicamentos pediátricos e enfermidades raras, e impulsará o cribado e o diagnóstico precoz do cancro mediante unha Recomendación.
- VI. **Un novo impulso á democracia europea:** a Conferencia sobre o Futuro de Europa rematará en maio cunha serie de conclusións que o Consello, a Comisión e o Parlamento haberán de integrar nas súas axendas políticas. Ademais de continuar vixiando o cumprimento do Estado de Dereito, a Comisión propondrá unha lei para salvagardar a liberdade e pluralismo dos medios de comunicación. De especial interese para Galicia é a iniciativa que se prevé sobre a fuga de cerebros e a mitigación dos retos asociados ao declive demográfico.

Doutra banda, a FGE contribuirá en 2022 á **promoción do Ano Xacobeo**, como gran celebración cultural e turística en Galicia que ha de servir para reforzar os vínculos

con Europa, nun contexto no que se necesitan referencias que reforcen o sentimento de pertenza común. Con este obxectivo, a FGE:

- Asistirá á Xunta de Galicia na preparación dun seminario e unha reunión externos do Comité Europeo das Rexións en Santiago de Compostela no mes de xuño, nos que se abordará o fenómeno do Camiño de Santiago como modelo de turismo sostible. Xa previstos en 2020 e 2021, estes actos tiveron que ser anulados por mor da pandemia.
- Contribuirá a outros actos que poidan celebrarse en Bruxelas despois da mesa redonda que a FGE organizou en novembro de 2021 para presentar o Xacobeo no plano institucional.

Respecto ás canles que empregamos para defender os intereses autonómicos no proceso comunitario de decisións, destacamos en 2022:

A. Comité Europeo das Rexións

O labor da FGE para asegurar unha participación activa no Comité Europeo das Rexións (CdR) continuará durante o próximo ano. O CdR está a ter un papel moi activo na reivindicación do rol dos entes locais e rexionais durante a pandemia e na recuperación económica. No marco da Conferencia sobre o Futuro de Europa, está a reflexionar sobre como mellorar o seu papel na rede institucional. Galicia está contribuindo activamente a este debate.

B. Participación autonómica no Consello

En 2022, Galicia representará ás CCAA no Consello en materia de política social e emprego no primeiro semestre, e de sanidade no segundo. No marco da colaboración entre as oficinas de representación de CCAA en Bruxelas (CORE), a FGE colaborará coa Representación Permanente de España ante a UE na preparación da Presidencia de quenda do Consello que ostentará en 2023. España terá un papel clave na conclusión dos expedientes legislativos antes do fin dos mandatos do Parlamento Europeo e a Comisión Europea en 2024.

C. Visitas institucionais

A FGE seguirá deseñando axendas e asesorando aos membros do Goberno galego e outros altos cargos da Xunta nas súas visitas a Bruxelas. Como xa fixo en 2021, a FGE combinará as visitas físicas coas reunións virtuais para sacar o mellor proveito de ambos os formatos.

D. Redes de cooperación rexional europea

O seguimento e apoio á participación galega en redes de cooperación rexional europea é un dos instrumentos de traballo utilizados pola FGE á hora de axuntar sinerxías con outros territorios da Unión en defensa de intereses comúns. Galicia participa en varias redes de cooperación tanto de dimensión territorial, como a Conferencia de Rexións Periféricas e Marítimas (CRPM) e a Asociación de Rexións Fronteirizas de Europa (ARFE), como de dimensión sectorial, no campo da I+D+i (ERRIN), o turismo (NECSTOUR) ou a innovación industrial (Vanguard Initiative).

A FGE presta apoio aos distintos departamentos da Xunta de Galicia para sacar o máximo proveito a estas redes, tanto na defensa duns intereses comúns ante a UE, como para a posta en marcha de proxectos europeos con base nos contactos feitos nelas.

No caso da CRPM, continuarase traballando especialmente na revisión da Rede Transeuropea de Transporte e na descarbonización do transporte, así como en fortalecer o seu rol de defensora das rexións marítimas.

E. Presenza de Galicia en Bruxelas

A Fundación presta apoio a aquelas entidades galegas públicas ou privadas que queren achegarse a Bruxelas para participar de modo efectivo no proceso de decisión comunitaria e nos programas europeos. Con este obxectivo, pon á súa disposición o coñecemento da Fundación Galicia Europa sobre o funcionamento das institucións comunitarias e o seu proceso decisorio, e facilítalles, de ser o caso, un espazo común de traballo.

A oficina da FGE en Bruxelas quere ser un escaparate único de Galicia na capital europea e axuntar os esforzos dos diferentes sectores en beneficio do desenvolvemento de Galicia. É o caso actualmente de FEUGA, que alugan o seu espazo de oficina na propia sede da Fundación en Bruxelas.

O importe desta actividade asignado para 2022 distribuirase principalmente entre gastos de organización e participación en reunións e conferencias en Bruxelas, ademais da organización de visitas institucionais a Bruxelas.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	6	3.218
Bolseiros en prácticas	6	4.382
Persoal con contrato de servizos		
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas - directas	600
Persoas físicas - indirectas	6.000
Persoas xurídicas	35
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
DEFENSA DOS INTERESES DE GALICIA ANTE A UE	Reunións do Comité das Rexións, reunións na Comisión Europea, reunións do Consello con participación galega, visitas institucionais, foros organizados pola Fundación, actividades culturais de Galicia en Bruxelas, reunións e foros con participación galega	295

ACTIVIDADE 2: Información sobre a Unión Europea en Galicia

A)Identificación

Denominación da actividade	Información sobre a UE en Galicia
Tipo de actividade *	Información. Actividade propia
Identificación da actividade por sectores **	Z01
Lugar de desenvolvemento da actividade	Santiago / Bruxelas

Descrición detallada da actividade prevista.

A información é un dos eixos centrais do labor desenvolvido pola Fundación Galicia Europa, pois constitúe un requisito indispensable para poder defender os intereses galegos e para facilitar a participación das entidades galegas en programas de financiamento comunitario.

A información especializada canalízase a través de contactos directos cos diferentes departamentos da Xunta de Galicia para levar a cabo unha adecuada defensa dos intereses galegos.

Para o gran público, a información difúndese a través do **portal web** www.fundaciongaliciaeuropa.eu e os seus perfís nas redes sociais Facebook, Twitter e LinkedIn, podendo chegar así a segmentos de público especializados como entes locais, ONGDs ou empresas.

En 2022 estréase o **novo portal web da FGE**, en liña coa estratexia dixital da FGE emprendida por mor da pandemia, co que se pretende dar máis visibilidade ao traballo de análise das políticas europeas e á participación galega nos asuntos comunitarios. Un apartado "Brexit" recollerá as noticias máis relevantes do proceso de saída de Reino Unido da UE procedentes da web que a FGE mantivo aberta

entre 2018 e 2021 para informar sobre este tema. **EuroXuventude** seguirá tendo un apartado propio na web, a raíz do convenio renovado anualmente coa Consellería de Política Social, no que se difunden as noticias europeas relacionadas con formación, voluntariado ou participación xuvenil, así como a "Guía de saídas laborais na UE e outras organizacións internacionais" da FGE. Como novidade, a FGE abrirá unha conta en Instagram co obxectivo de servir de ferramenta principal de EuroXuventude cos mozos galegos.

A FGE continuará coa elaboración dun **boletín dixital mensual** no que se difunden as novas da UE e da participación galega nos asuntos comunitarios, e se dá difusión a consultas públicas e convocatorias de proxectos. A FGE segue colaborando mensualmente con ECO - Revista do Eixo Atlántico para explicar a actualidade comunitaria en Galicia.

A contía asignada a este obxectivo destinarase ao mantemento das páxinas web e ás tarefas de información europea para mozos.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	3	585
Bolseiros en prácticas	6	2.191
Persoal oficina información europea novos	1	488
Persoal con contrato de servizos		
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas - directas	7.000
Persoas físicas - indirectas	19.000

Persoas xurídicas	
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
INFORMACIÓN SOBRE A UE EN GALICIA	Portal web, boletín, colaboracións con revistas, oficina de información xuvenil	450

ACTIVIDADE 3: Fomento da participación en proxectos europeos

A) Identificación

Denominación da actividade	Fomento da participación en proxectos europeos
Tipo de actividade *	Promoción da participación das entidades galegas en proxectos europeos. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

Descrición detallada da actividade prevista

2022 será un ano en que se concentre a execución dunha gran variedade de fondos comunitarios:

- **O penúltimo ano de execución dos fondos estruturais 14-20.** Os programas operativos de Galicia FEDER e FSE teñen xa comprometido a práctica totalidade dos seus fondos pero deben executarse aínda a metade
- **O segundo e último ano de execución de REACT-EU,** fondos procedentes de Next Generation EU que complementan os programas de fondos estruturais 14-20. 305 M€ de FEDER están a executarse en Galicia en investimentos que contribúen á transición cara unha economía dixital e cara unha economía verde, en infraestruturas sanitarias e en apoio ás pemes afectadas pola pandemia. 91 M€ de FSE están a financiar o mantemento do emprego por parte de autónomos e micropemes e en apoiar o acceso ao mercado de traballo e colectivos vulnerables.
- **A posta en marcha dos Plans Nacionais de Recuperación e Resiliencia,** que comezaron a aprobarse a mediados de 2021. España foi dos primeiros países en recibir o visto bo da

Comisión e o Consello e o primeiro en solicitar un desembolso de fondos, tras demostrar o cumprimento dos primeiros fitos e obxectivos recollidos no PRTR.

- **A plena posta en marcha dos programas de financiamento de xestión centralizada como Horizonte Europa, no eido da I+D+i, ou Life, no eido do medio ambiente.** Despois dun pequeno retraso debido a aprobación final do Marco Financeiro Plurianual, a meirande parte dos programas comezaron a publicar convocatorias xa no verán de 2021. En 2022 estarán xa a pleno rendemento. Espéranse tamén as primeiras convocatorias dos programas de cooperación transfronteiriza, como POCTEP, e trasnacional, como Interreg Espazo Atlántico.

Para dar a coñecer e explicar estas posibilidades de financiamento, a FGE prevé:

- Continuar co **ciclo de encontros virtuais "Next Generation Galicia"** para explicar na Xunta de Galicia as políticas europeas que guían a execución dos fondos comunitarios
- Difundir a **Guía de Financiamento Comunitario 21-27** que vén de elaborar, de forma similar á que se publicamos para o período 14-20
- **Organizar dúas edicións de TecEuropa** dirixidas a entidades públicas e privadas de Galicia como concellos, empresas e ONGDs.

O **programa de especialización en financiamento comunitario TecEuropa** trata de mellorar as capacidades de profesionais de entidades galegas públicas e privadas para participar en proxectos de dimensión europea. Mellorar as súas capacidades e coñecementos, e facilitar os contactos entre eles permitirá deseñar mellores proxectos, aproveitar as experiencias duns e outros en beneficio de todos e, en suma, conseguir un maior impacto dos fondos europeos na nosa comunidade. A FGE leva organizadas 15 edicións dende 2015, as seis últimas en formato virtual.

B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	3	1.365
Bolseiros en prácticas	6	2.191
Persoal oficina información europea novas	1	975
Persoal voluntario		

C) Beneficiarios ou usuarios da actividade

Tipo	Número
	Previsto
Persoas físicas	70
Persoas xurídicas	
Proxectos sen cuantificar beneficiarios	

D) Obxectivos e indicadores de realización da actividade

Obxectivo	Indicador	Cuantificación
PROMOCIÓN DA PARTICIPACIÓN GALEGA EN PROXECTOS EUROPEOS	Asesoramento nas posibilidades de financiamento, asesoramento nas procuras de socios, cesión de salas, cursos de financiamento comunitario, apoio na xestión de proxectos	60

ACTIVIDADE 4: Formación e sensibilización sobre a realidade europea

A)Identificación

Denominación da actividade	Formación e sensibilización sobre a realidade europea
Tipo de actividade*	Formación. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

Descrición detallada da actividade prevista.

A maior parte dos recursos asignados a este obxectivo destinaranse a financiar as **cinco bolsas de formación** para mozos galegos nas oficinas da FGE de Santiago e Bruxelas, ademais da bolsa convocada en colaboración con GAIN. Estas bolsas prorrogáronse en setembro un ano máis por mor da pandemia. En 2022, publicarase unha nova convocatoria de bolsas para que os beneficiarios se poidan incorporar a partir de setembro.

No marco de #Euroxuventude, a FGE seguirá participando e colaborando en diversos foros relacionados coas **posibilidades de emprego e prácticas na UE** e prestará unha especial atención a posta en marcha do novo programa Alma.

A FGE continuará tamén colaborando cos seus socios (Europe Direct A Coruña, Instituto Portugués da Xuventude, Eurocidade Chaves Verín...) na iniciativa para incentivar a participación da mocidade galega e do Norte de Portugal na Conferencia sobre o futuro de Europa. Aproveitará, ademais, esta experiencia para a súa implicación no Ano Europeo da Xuventude.

Por último, a FGE manterá o seu compromiso co Pacto Europeo polo Clima, adquirido en decembro de 2020, informando e sensibilizando en Galicia sobre o Pacto Verde Europeo.

B) Recursos humanos empregados na actividade.

Tipo	Número	Nº horas / ano
	Previsto	Previsto
Persoal asalariado	5	2.191
Bolseiros en prácticas	6	2.633
Persoal oficina información europea novas	1	488
Persoal voluntario		

C) Beneficiarios ou usuarios da actividade.

Tipo	Número
	Previsto
Persoas físicas – directas	480
Persoas físicas - indirectas	
Persoas xurídicas	40
Proxectos sen cuantificar beneficiarios	

D) Obxectivos e indicadores de realización da actividade.

Obxectivo	Indicador	Cuantificación
FORMACIÓN E SENSIBILIZACIÓN SOBRE EUROPA EN GALICIA	Bolsas, cursos, seminarios e xornadas	15

2.- PREVISIÓN DE RECURSOS ECONÓMICOS QUE EMPREGARÁ A ENTIDADE

GASTOS/INVESTIMENTOS	DEFENSA INTERESES GALICIA EN BRUXELAS	INFO SOBRE A UE EN GALICIA	PROMOCIÓN DA PARTICIPACIÓN EN PROXECTOS EUROPEOS	FORMACIÓN E SENSIBILIZACIÓN SOBRE EUROPA EN GALICIA	TOTAL ACTIVIDADES	Non imputados a actividades	TOTAL
Gastos por axudas e outros							
a) Axudas monetarias	-	-	-	102.864,60	102.864,60	-	102.864,60
b) Axudas non monetarias							
c) Gastos por colaboracións e órganos de goberno.	-	-	-	500,00	500,00	-	500,00
Variacións de Existencias de produtos terminados e en curso de fabricación							
Aprovisionamentos							
Gastos de persoal	134.342,20	17.610,69	24.090,23	99.346,58	275.389,70	130.673,24	406.062,95
Outros gastos de Explotación	56.760,73	39.271,20	38.168,79	36.435,09	170.635,80	76.421,65	247.057,45
Amortización do inmovilizado	32.347,20	2.695,60	2.695,60	2.695,60	40.434,00	13.478,00	53.912,00
Deterioración e resultado por alleamento de inmovilizado							
Gastos financeiros							
Variacións de valor razoable en instrumentos financeiros							
Deterioración e resultado por alleamento de instrumentos financeiros	-	-	-	-	-	-	-
Impostos sobre beneficios	-	-	-	-	-	-	-
Subtotal	223.450,13	59.577,49	64.954,62	241.841,86	589.824,10	220.572,89	810.397,00
Investimentos 'excepto bens patrimonio histórico)	-	-	-	-	-	4.000,00	4.000,00
Adquisicións bens patrimonio histórico	-	-	-	-	-	-	-
Cancelación débeda non comercial	-	-	-	-	-	-	-
Diminución de subvencións	-	-	-	-	-	-	-
Diminución de débedas	-	-	-	-	-	-	-
Aumento de debedores comerciais e outras contas para cobrar	-	-	-	-	-	-	-
Aumento de periodificacións a curto prazo	-	-	-	-	-	-	-
Aumento de tesourería	-	-	-	-	-	-	-
Subtotal	-	-	-	-	-	4.000,00	4.000,00
TOTAL	223.450,13	59.577,49	64.954,62	241.841,86	589.824,10	224.572,89	814.397,00

3.-PREVISIÓN DE RECURSOS ECONÓMICOS QUE OBTERÁ A ENTIDADE

3.1) Previsión de ingresos que obterá a entidade

INGRESOS	Importe total
Rendas e outros ingresos derivados do patrimonio	
Vendas e prestacións de servizos das actividades propias	42.500,00
Consellería de Política Social	42.500,00
Ingresos comúns das actividades mercantís	10.320,00
Aluguer oficina	10.320,00
Subvencións do sector público	721.377,00
Xunta de Galicia	640.417,00
Axencia Galega de Innovación	32.960,00
Consortio Zona Franca de Vigo	18.000,00
Deputación da Coruña	15.000,00
Deputación de Lugo	15.000,00
Achegas privadas	40.000,00
ABANCA	40.000,00
Outros tipos de ingresos	200,00
TOTAL INGRESOS PREVISTOS	814.397,00

3.2) Previsión doutros recursos económicos que obterá a entidade

OUTROS RECURSOS	Importe total
Débedas contraídas	-
Outros deberes financeiros asumidos	-
TOTAL OUTROS RECURSOS PREVISTOS	-